



Seit uom ma  
ar sei nid normal,  
dänn ka-n-ar fascht  
vo hüt nid si.  
As Geschtriga  
heat er kuo Wahl.  
Am Lichtischo  
ar schickt sä dri.

Dar Hütig söll  
blös obacht gio,  
morn isch-ar geschtrig !  
aber wio !  
ar heat, wenn 's guot goht,  
all no vor  
as wio dar Geschtrig  
rutschig Johr.

Was wit vo uom  
vo Gescht arwarta ?  
moll uos,  
ar heat die bessro Karta.



# Das Schüo

(ASP621—13.07.2013)



Was schüo ischt, lot sä schwär beschriebo,  
's Beschriebo blibt all Theorie.  
Blös d' Praxis muoß all übertriebo;  
Das Schüo künt jo ou kitschig si.

An Sunnoundergang ischt schüo.  
Im Früojohr ou das erscht frisch Grüo,  
wo praktisch überirdisch ischt,  
sioht raboschwarz do Pessimischt


A Bild vom Michelangelo  
und an Pikasso sowieso  
das Schüonscht für jeden Kennar ischt.  
Blös frog amol an Pessimischt.

Bi a ma klassischo Balett  
do Fän dorvo vo himmlisch redt.  
Do Schwanosee das overscht ischt.  
Blös schwärlä für an Pessimischt.

Vom Haydon 's Halleluja gär  
uf jedofall ischt elitär.  
An Engechor iom glungo-n-ischt.  
As kriogt 's nid mit do Pessimischt.

Schüo dunkt jeds Kiond an Reogobogo,  
a Spionnowebb, ganz kuschtvoll g'wobo,  
an Rosostraus betörend ischt,  
däs alls nid für-o Pessimischt.

Uf uos kascht go, do Pessimischt,  
am allarschüonschto - gschtrofat ischt.



Verloro mänga Usdruck güng,  
wenn iohn ma nid i d' Spursä nüm.  
Aluo, was hoasst i d' Spursä nio?  
Am Beispiel git as sä, hawio:

A Nüschter ischt an Rosokranz,  
Sau weh heat to an Hagoschwanz.

A Kätzä ischt wio 's Schaff a Gschior.  
An Schnitt hoast ma-n-a halbvolls Bier.

Wer kluppig ischt, git nünt gern her.  
Do-zweris hoast uf guot dütsch quer.

Zum Lööba kascht ou säga triola.  
An Bömmo-n-uffä waxond Niola.

A Geobso ischt zum d' Milk abrohma.  
Schlabuchig ischt is Birg gern ko ma.

Do Moscht heat us am Bötsch ma trunko.  
An Furz heat grämsolat stat gschtunko.

An Dolgo git 's mit Kuli numma.  
Statt Möüla hoast das hüt ma Brumma.

Verloro mänga Usdruck güng,  
wenn iohn ma nid i d' Spursä nüm.  
Gwioß fallond öü no etlä i.  
's ou wittergio tät wertvoll si.



Do Hanseorg, sus an rechta Ma,  
an Doarbiorar dur und dur,  
vo deam ma nünt schlechts säga ka,  
i uom blös ischt do Hanseing stur.

's ledig si, hüt Singel hoast ma 's,  
spärat etläs Geold. Hüt woast ma 's.

Do Hanseorg kalkuliert, as wio,  
ar woast, ma ka 's ou pfundwis hio.  
Ar will, ma muoß iohn scho verrstoh,  
am Stuck und nid alls zmol arstoh.

Blös d' Nochfrog 's Angebot hüt stüurat,  
's System vo iohm heat sä vertüurat.

Ar heat, wil er jo kalkuliert  
's System a klälä revidiert.  
Ar heat a Russin importiert,  
wil er Konkurs sus langsam wär.  
Sie tuot do Hushalt iohm sogär.



I bio scho froh, i bio vo do  
i künnt jo ou vo-n-usweets ko.  
Dänn wär i aber numma döt,  
wo i ou hüt no bliebi söt.

I künntit jo us China ko,  
von Geola tät i d' Sproch verstoh.  
In China seolb, i schwörtit druf,  
fü i as Geola gär nid uf.

I künnt jo us om Kongo ko;  
i wär denn schwarz, tät d' Farb nid lo.  
Als Schwarza döt, i schwörtit druf,  
fü i im Kongo gär nid uf.

I künt us Oklahoma ko;  
als Indianer het ma 's Land mir gno.  
Als Rothut döt, i schwörtit druf,  
im Reservat fü i nid uf.

I künnt jo us-om Wald ion ko,  
i wär dänn ou nid ganz vo do.  
Mi nümond d' Wäldar wohl kaum uf;  
i seolb verzichtit zwor ou druf.

Uos Gmeinsams heand dio alle zwor,  
sie heand uos mitanand uf 's Hor.  
Sie insgesamt siond nid bekannt  
dem Diarobiorar Meoldeamt.



---

*W*

---

I hio im Dunklo gforat  
und gsuoht döt nach-or Wohrat.

As ischt doch wio varreckt;  
wo halt sie sä versteckt.  
Sie heat doch nünt verbrocho,  
wo heat sie sä verkrocho.

Sie lidt gwioß Hölloquala;  
As siond jo demnägscht Wahla !

---

(ASP625—27.08.2013)



---

W



---

Vom Wibeevolk do Schmäh  
ischt, dass sie d' Mä a klä  
im goto Gloubo lond,  
tuond ob sie 's nid verstonde.

Jeds Wib derhiondert grot,  
lang vor er 's seolber mirkt,  
dass a klä frönd ar goht;  
nünt säga, woafst sie, wiorkt.

Für 's Wibervolk siond d' Mä  
a Rätsel - nei kuo klä !  
Däs ischt für d' Mä do Fluoch,  
sie siond a-n-offos Buoch.



---

3

---

### I seolb

Als Vielosov woafß i scho Bschoad,  
mir tuond blös alle andro load,  
wo, statt sä d' Froga hionderfrogand,  
mi blös mit Pseudo-Froga blogand.

### Problem

Heascht mit dim Wib du a Problem,  
dänn mach dir 's zerscht amol bequem.  
Sie löst 's Problem so schneoll as goht,  
wenn ou 's Problem sie nid verstoht.

### Wer

Heascht z' Liochtostuo 's schwarz Geold versteckt,  
bim Fiskus däs Begirda weckt.  
Der heat Arfolg in uona Fäll.  
Blibt d' Frog, wer ischt do kriminell?

### Urloub

Meh Urloub söttond d' Lehrer hio,  
ma künnt iohna jo dän scho gio,  
wenn d' Schuolar do nid ou no wärend.  
D' Politiker däs scho no klärond.



's Züg dorzuo

Wer wenig ka und viel verstoht,  
heat 's Züg dorzuo zum Ufsichtsrrot.  
Heat 's Züg dorzuo - für 's Kontrollioro  
vo deom wo 's ka - do Sold kassioro.

's Weotter

Isch 's Weotter guot, isch 's Weotter schlecht,  
o Herrgott, mach 's do Lüto reocht !  
Der UNO künt ar 's überlo;  
Däs wür zwor d' Weolt nid überstoh.



Do Hanseorg macht mit Wib und Kiondo  
an Usflug mit dem Döff gi Liondo.  
Scho uf-or Autobah ganz stur  
an Skoda uf-or lingo Spur  
fallt iohm mit sinom Fahro-n-uf.  
Ar fahrt z'mol ganz noch uf iohn druf.  
Wil däna bremsat, ohne Grund.  
Dur 's hionder Fioschter sioscht an Hund,  
wo knapat mi dem Kopf im Takt.  
Do Hanseorg d' Gleogoheit eotz pakt,  
zum sinom Wib do Grund arkläro,  
warom 's an Fehler sei, an schwäro,  
an Missstand sei as, jo, an wahro,  
dass d' Wiber ma lass Autofahro.  
Eotz bügt sie ohne Blinka-n-ab.  
Das ischt a richtiges Wiberghab.  
Sie fahrt blös drießg, wo Hanseorg glaubt,  
as seiond z' miondischt fuchzg arlobt.  
Sie bremsat, wo sie fahro künt;  
vo a ma Grund dofür sioscht nünt.  
Gwioß i-n-ar Bliondolotterie  
heat gwunno dio do Föorarschie.  
Bald fahrt sä i-n-ar Schlangolinä,  
bald druckt sie sä i Lugga-n-inä.  
Natürlä, Hanseorg heat 's fascht gschporo,  
eotz heat sie 's Händy scho an Ohro.  
Am Gehsteig schabt sä mi dem Roafo,  
Bim Parka muoß sie 'n jedsmol stroafo.

Was tuot as scho, a Krätzlä meh,  
do Ma, der Tscholä, zahlt 's jo eh.

Am Parkplatz parkat sie so i,  
dass d' muonscht as künn, bigotsch, nid si;  
stellt dänoweog sin Skoda-n-anä,  
dio Wiber, seit do Hanserg, ma-n-ä,  
dass igschpert würd a ganze Reiho.  
Do Hanseorg seit, as ischt zum Schreio,  
wio d' Wiber egoischtisch siond  
und seolbher, u'verschamt und blond.

A Wib mit Auto sei a Grus.  
Gottlob, eotz stigt sie endlä us.  
Do Hanseorg 's fascht nid fassa ka,  
das Wib, das damisch, ischt an Ma.

Dem Hanseorg sinä muont uf 's Nöü,  
daß er do Froua u'reocht töü.  
Do Hanseorg schwört, dobei ar blieb  
der sei gad gfahro ... wio a Wib.



Dar gschiedischt Mensch, sus gschickt und wif.  
heat mängsmol nid sin Stolz im Griff.

Nach Gottes Vorbild muont ar gformat,  
stand iohm do Stolz druf ehrlä zuo  
Do Herrgott däs gwioss hüt no wurmat.  
Vom Vorbild siond viel z' groß iohm d' Schuo.

As tuot scho däna ehndor guot,  
wo 's mit sim Stolz nid übertribt,  
wo nid z' roß übertriobo tuot,  
wo halbweogs uf om Bodo blibt.

Do Stolz stoht beschtotfalls dir zuo,  
wenn d' mit dim Stolz loscht d' Lüt in Ruoh.